



Sakspapir

Sakshandsamar	Arkiv	ArkivsakID
Kristin Handeland	FE-011	20/369

Saksnr	Utval	Type	Dato
035/21	Formannskapet	PS	13.04.2021

Delegering frå valstyret

Saksutgreiing:

Bakgrunn

Oppsummering: Valstyret i Fedje kommune må ta nokre avgjerder og delegere kurante saker no, slik at me får kome i gong med å sette opp valsystemet og planlegge gjennomføringa av Stortings- og sametingsvalet 13.september 2021.

Bakgrunn

Mykje i samband med valet er avklart i vallova/forskrifta, men ein del skal valstyret avgjere lokalt. I år er Kristin Handeland sekretær for valstyret. Rapporteringsansvarleg er Dagrun Gunnarson. Valsystemet heiter EVA og vert levert av Valgdirektoratet.

1) Kor skal me halde valet?

Fleirbrukshallen har vore nytta dei siste åra, det har etter sekretariatet si meining vore vellukka. Universell tilgjenge, bil kan køyre heilt fram til lokalet.

2) Universelt materiell for gjennomføring av val vart kjøpt for 10 år sidan, og kan framleis nyttast: Avlukke, røysesetelhaldarar, urner, plakatar osv. Dette fungerer greit, særleg for svaksynte pga fargar mm. Det er difor etter sekretariatet si meining ikkje naudsynt å tinge anna materiell en utstyr knytt til smittevern.

3) Røystestyre, oppteljing og røystemottak

Frå 1.januar 2012 kan folk som står til val på vallister ikkje vere røystemottakarar (sitje i vallokalet) eller vere i røystestyra (telje røyster). Det er viktig å huske på at dette gjeld sjølv om ein står langt nede på ei stortingsvalsliste.

Det skal vere 2 frå røystestyret til stades i vallokalet til ei kvar tid på valdagen.

Valstyret må ta stilling til følgjande:

Kven kan ta i mot førehandsrøyster? (vallova § 8-2)

Kven skal sitte i røystestyret? Leiar/nestleiar? Kor mange skal vere i røystestyret? Held



Fedje kommune

det med røystestyret til oppteljinga? (vallova § 4-2)

Kven skal ta i mot ambulerande/institusjonsrøysting? (2 stk) (vallova § 8-2)

Kven skal vere røystemottakarar på sjølve valdagen? Kor mange treng ein på kvart skift?

(vallova § 8-2)

Kor mange varaer skal ein lære opp til kvar funksjon?

Skal ein – som før – ringe og spørje folk om dei vil ha valfunksjonar, eller skal ein sette

oppslag og be folk melde sin interesse?

Forslaget er at de diskuterer korleis desse skal rekrutterast i dette møtet, men at de får ein sak til juni-møtet, der de vedtek kven som skal ha dei ulike funksjonane.

4) Delegasjon av kurante saker:

For mest mulig effektiv gjennomføring av valet, er det lurt å delegere nokre kurante saker.

Alle konkrete saker det er tvil om, skal avgjerast av valstyret.

Type sak(lovheimel)	Kva gjeld det	Delegert til
Søknad om å røyste heime (vallova §8-3 (2) b)	Folk kan søkje om å røyste heime, om dei er for sjuke til å kome til sjukeheimen eller røystelokalet. Fristen for å søkje er vanlegvis onsdag eller torsdag før valet. Me får sjeldan søknadar om dette, men om me får det, må nokon ha fullmakt til å avgjere søknaden. Grunna Covid-19, kan det vera at ein får lov til å røysta heime og på sjølve valdagen, det er fremma forslag om det, men det føreligg ikkje konklusjon. Dette vil nok myndighetene komma attende med tilbakemelding på, i god tid før valet.	Anbefalar at valstyret sin sekretær får fullmakt til å avgjere evt søknader og sette frist for søknad. Skulle ein måtte avslå ein søknad, må det meldast til valstyret sin leiar, og leiar i valstyret fattar då endeleg vedtak av søknaden. Me rår til at det vert høve til å røysta heime, etter avtale. Måndag til fredag frå 10. august til og med 10. september i tidsrommet mellom klokka 0900 og klokka 1700. Vert det opna for å røyste heime på sjølve valdagen 13. september grunna Covid -19 rår me til at ein kan røysta heime i same tidsrom som



Fedje kommune

Søknad om innføring i manntal mm (vallova § 2-4, § 2-7 og § 2-8)	T.d. folk som har budd utanlands meir enn ti år, må søkje om innføring i manntalet kvart val om dei ønskjer å røyste. Innføring i manntal er regulert i valforskrifta. Dei det gjeld skal underrettast om endringar.	valtinget er ope. Rår til at kurante saker vert delegert til valstyret sin sekretær for å løpande kunne oppdatere manntalet og sende melding til den det gjeld
Godkjenning av førehandsrøystegjeving (vallova § 10-1)	Førehandsrøystegjevingane som vert tilsendt frå andre kommunar må godkjennast. I praksis betyr dette å sjekke at konvoluttane er forskriftsmessig utfylt og lukka, og at personen står i manntalet. Bør gjerast fortløpande.	Rår til at kurante saker vert delegert til valstyret sitt sekretariat/ førehandsrøystemottakarar for å løpande kunne oppdatere manntalet.
Lovpålagte kunngjeringar (vallova § 9-3, 2-6, 2-3 (3))	Det er eindel lovpålagte kunngjeringar i samband med val, bl.a. av røystestad og utlegging av manntal	Rår til at kunngjeringar vert delegert til sekretær og/eller leiar valstyret.
Utlekking av manntal (vallova § 2-6)	Valstyret skal leggje ut manntalet til offentleg	Anbefalar at utlegging av manntal vert delegert til sekretariat for valstyret.



Fedje kommune

	ettersyn så snart det er klart, vanlegvis ca 15.07.	
--	--	--

5) Opningstider vallokala på valdagen. Dette avgjer valstyret, men må seinast stenge

kl 21.00 måndag 13.september. Sist var opningstidene kl.10-20. Det er registrert at ein del kommunar ikkje opnar vallokalet før kl 1200.

6) Førehandsrøysting.

Tidlegrøysting startar 1.juli. Ynskjer ein å nytta seg av tidligrøysting må ein avtale tid før ein kjem for å røysta. Ordinær førehandsrøysting er fastsett til perioden 10.august til 10.september 2021 (vallova §8-1 punkt 1). Ved sist val var det ope for førehandsrøysting kvardagar 0830-1500 + 2 laurdagar før valet kl 1100- 1300. Me anbefalar at førehandsrøysting ved valet i 2021 er ope kvardagar frå kl.0900 til kl 1500. Me anbefalar at valstyret legg førehandsrøysting og tidlegrøysting til Fellestenester sine lokaler i Kalvedalen1.(tidligare NAV) dei er universell utforma.

Ved Stortingsval og Sametingsval er det same røystesetlar i heile Hordaland, slik at det er ganske greitt for pendlarar og andre å få førehandsrøysta også andre plassar enn Fedje.

7) Røystegjeving på institusjon – på sjukeheimen onsdag eller torsdag siste veke før valet, som tidlegare – kl. 10-12. Om valstyret ønskjer det, kan sekretær fastsette dag etter avtale med pleie og omsorg.

8) Oppteljingsstad

Oppteljinga vart ved sist val gjort i sosialt rom i Fleirbrukshallen. Det sikrar at publikum kan vere til stades ved oppteljing. I år veit me ikkje om det kan vera publikum til stades grunna Covid-19, me anbefalar at sjølve opptellinga vert strima uansett om det kan vera publikum tilstades eller ikkje.

9) Elektronisk manntal på valdagen Vallova opnar i 2017 for elektronisk avkryssing i manntal også på sjølve valdagen. Me nyttar elektronisk manntal til førehandsrøysting og på valtinget.

10) Opplæring – det vert lagt opp til opplæring for valstyret i formannskapsmøtet i juni slik at alle medlemmane er trygge på sine oppgåver og ansvar. Det vert kurs om tidlegrøysting for dei tilsette på kommunehuset i juni, og om førehandsrøystemottak rett før 10.august. Det vert kurs om sjølve valtinget og oppteljinga for alle medarbeidarar og røystestyre i overgangen august/september.

Vurdering:

For dei fleste alternativa, er det fordeler og ulemper, og det er avgjerande kva valstyret legg mest vekt på. Innstillinga tek utgangspunkt i erfaringar frå dei siste 3 vala og kva sekretariatet ser som mest praktisk for sjølve organiseringa av valet. Men det er opp til valstyret om dei meiner andre omsyn skal vege tyngre.



Fedje kommune

Tema	Forslag til vedtak
Val av røystestyre (vallova § 4-2 og §8-2)	Valstyret vedtek å velje eige røystestyre. Sekretæren legg fram forslag til røystestyre og røystemottakarar, på møtet i formannskapet 08.06.2021
Tidlegrøysting (vallova § 8-1 punkt 4)	Tidlegrøysting etter avtale, kvardager 0900-1500 frå 1.juli til 9.august.
Førehandsrøysting (vallova § 8-1 og §8-3)	I Fellestenester sine lokaler. Opningstider: Kvardagar 0900-1500 To siste mogelege laurdagar før valet, opningstid 11-13. Ambulerande røysting på sjukeheimen onsdag eller torsdag siste veke før valet – kl. 10-12. Røysta heime etter avtale måndag til fredag mellom kl. 0900 og kl.1700.
Vallokale for valtinget (vallova § 9-3)	Fedje fleirbrukshall
Valdagen (vallova § 9-3)	Valdagen (vallova § 9-3) Opningstid kl. 10-20 Tre skift med 4 personar på kvart
Oppteljingsstad	Sosiale rommet Fedje fleirbrukshall, oppteljinga vert strima.
Delegering:	
Søknad om å røyste heime (vallova §8-3 (2) b)	Valstyret sinsekretær får fullmakt til å avgjere evt søknader. Her kan det verta lov å stemma heime og på valdagen grunna Covid-19. Vert søknaden avslått frå sekræteriatet, skal saka meldast til leiar i valstyret, og leiar i valstyret fattar endeleg vedtak av søknaden.
Søknad om innføring i manntal mm (vallova § 2-4, § 2-7)	Kurante saker vert delegert til valstyret sin sekretær for å løpande kunne oppdatere manntalet og sende melding til den det gjeld.



Fedje kommune

og § 2-8)	
Godkjenning av førehandsrøystegjeving (vallova § 10-1)	Kurante saker vert delegert til valstyret sitt sekretariat/forhåndsrøystemottakarar for å løpande kunne oppdatere manntalet.
Lovpålagte kunngjeringar (vallova § 9-3, 2-6, 2-3 (3))	Kunngjeringar vert delegert til sekretariat valstyret
Utlekking av manntal (vallova § 2-6)	Utlekking av manntal vert delegert til sekretariat for valstyret

Økonomi : Gjennomføring av Storting og Sametingsval 2021 er lagt inn i budsjett for 2021. Behov for ekstra personell mm pga Covid -19 kan medføre nokre ekstra kostnader.

Konklusjon

Storting og sametingsvalet vert gjennomført i tråd med gjeldande lover og forskrifter, og i stor grad etter same mønster som tidlegare val. For å få ei praktisk og god avvikling av valet, vert det foreslått delegering av kurante saker.

Forslag til vedtak:

Valstyret vedtek å velje eige røystestyre. Sekretæren legg fram forslag til røystestyre og røystemottakarar, på møtet i formannskapet 08.06.2021

Tidleggrøysting finn stad etter avtale, i lokala til Fellestenester i Kalvedalen 1. Kvardagar 0900-1500 frå 1.juli til 9.august.
Førehandsrøysting vert i lokala til Fellestenester i Kalvedalen 1. Kvardagar 0900-1500. I tillegg to siste mogelege laurdagar før valet, opningstid 11-13.

Det vert røysting på institusjon på Fedje sjukeheim onsdag eller torsdag siste veke før valet – kl. 10-12. Sekretær fastsett dag etter avtale med pleie og omsorg.

Valtinget vert i Fedje fleirbrukshall. Opningstid kl. 10-20. Tre skift med 4 personar på kvart. Oppteljingsstad: Fedje fleirbrukshall. Oppteljinga vert strima. Valstyret sin sekræter får fullmakt til å avgjere evt søknader om å røyste heime og sette frist for når slik søknad må kome inn.



Fedje kommune

Søknad om innføring i manntal: Kurante saker vert delegert til valstyret sin sekretær for å løpande kunne oppdatere manntalet og sende melding til den det gjeld. Godkjenning av førehandsrøystegjeving: Kurante saker vert delegert til valstyret sitt sekretariat/forhandsrøystemottakarar for å løpande kunne oppdatere manntalet. Alle kunngjeringar vert delegert til sekretær valstyret. Utlekking av manntal vert delegert til sekretariat for valstyret.

Formannskapet - 035/21

F - behandling:

F - vedtak:

Valstyret vedtek å velje eige røystestyre. Sekretæren legg fram forslag til røystestyre og røystemottakarar, på møtet i formannskapet 08.06.2021

Tidleggrøysting finn stad etter avtale, i lokala til Fellestenester i Kalvedalen 1. Kvardagar 0900-1500 frå 1.juli til 9.august.

Førehandsrøysting vert i lokala til Fellestenester i Kalvedalen 1. Kvardagar 0900-1500. I tillegg to siste mogelege laurdagar før valet, opningstid 11-13.

Det vert røysting på institusjon på Fedje sjukeheim onsdag eller torsdag siste veke før valet – kl. 10-12. Sekretær fastsett dag etter avtale med pleie og omsorg.

Valtinget vert i Fedje fleirbrukshall. Opningstid kl. 10-20. Tre skift med 4 personar på kvart.

Oppteljingsstad: Fedje fleirbrukshall. Oppteljinga vert strima.

Valstyret sin sekræter får fullmakt til å avgjere evt søknader om å røyste heime og sette frist for når slik søknad må kome inn.

Søknad om innføring i manntal: Kurante saker vert delegert til valstyret sin sekretær for å løpande kunne oppdatere manntalet og sende melding til den det gjeld.

Godkjenning av førehandsrøystegjeving: Kurante saker vert delegert til valstyret sitt sekretariat/forhandsrøystemottakarar for å løpande kunne oppdatere manntalet.

Alle kunngjeringar vert delegert til sekretær valstyret.

Utlekking av manntal vert delegert til sekretariat for valstyret.

Samrøystes vedteke.